



ՍՈՒՐԲ ԱՏԵՓԱՆՈՍԻ ՏՈՆԸ ԵՎ ՍԱՐԿԱՎԱԳԱԿԱՆ  
ԶԵՆՆԱԴՐՈՒԹՅՈՒՆ ՄԱՅՐ ԱԹՈՌՈՒՄ

Ամեն տարի նախապես և առաջին մարտիրոս Սուրբ Ստեփանոսի տոնը Մայր Աթոռում նշվում է առանձնակի շուքով: Եվ այդ տոնը հոգևոր ճեմարանի համար, որպես նվիրական ավանդույթ, նշանավորվում է լսարանական ուսանողների սարկավագական ձեռնադրությամբ: Այդ ավանդույթի շարունակությունն է այս տարեվերջին սարկավագների նոր հունձը:

**Դեկտեմբերի 25-ին, հինգշաբթի.—Տօն Սրբուն Ստեփաննոսի նախապկային և առաջին մարտիրոսին.**

Առավոտյան տեղի է ունենում հանդիսավոր ժամերգություն, որի ընթացքում կատարվում է շարականների հանդիսավոր երգեցողություն՝ Մայր Աթոռի սարկավագների կողմից:

Ժամերգության ընթացքում «Փառք ի բարձունս Աստուծոյ...» փառաբանական օրհներգության երգեցողության ժամանակ, սաղավարտներով և բուրվառները ձեռքներին, եկեղեցական ատյան են դուրս գալիս Մայր Աթոռի սարկավագները և խնկարկում Ս. Ստեփանոսի խորանը, հոգևոր դասին և հավատացյալ ժողովրդին: Իսկ ծամերգության ավարտին լուսարարապետ Տ. Հուսիկ արքեպ. Սանթորյանը շնորհավորում է սարկավագներին՝ նրանց տոնի ուրախ առիթով:

Ժամը 11-ին Մայր տաճարի Ս. Ստեփանոս նախասարկավագի խորանին սկսվում է տոնական պատարագի սրբազան արարողությունը: Օրվա պատարագիչն է հոգևոր ճեմարանի ընդհանուր դաստիարակ Տ. Ստեփանոս արք. Զաքարյանը: Պատարագի Սուրբ գրական ընթերցումներից առաջ սկսվում է հոգևոր ճեմարանի Բ լսարանի վեց ուսանողների սարկավագական ձեռնադրությունը: Նորընծաները իրենց սարկավագական կոչումը ստացել էին մեկ օր առաջ՝ ձեռամբ Տ. Հուսիկ արքեպ. Սանթորյանի: Նույն օրը միաժամանակ Սրբազան հայրը դպրության չորս աստիճաններ շնորհեց հոգևոր ճեմարանի Գ դասարանի ութ ուսանողների:

Ձեռնադրության խորհրդավոր պահն է: Հնչում է «Աստուածային և երկնատուր շնորհա...» շարականի հանդիսավոր երգեցողությունը: Վեց նորընծաները ծնկաչոք, ձեռքները ուտերից վեր պարզած, աշխարհիկ կյանքից հրաժարվելու խորհրդանշական դիրքով դառնում են դեպի ժողովուրդը...: Դա ձեռնադրության ամենանվիրական ու խորախորհուրդ պահն է: Ծարունակվելով սրբազան արարողությունը, ձեռնադրության Մաշտոցից աղոթքների ընթերցումներից և մասնավոր շարականների երգեցողությունից հետո, ձեռնադրող սրբազանը հերթով սարկավագական խորհրդանիշ սուրբ ուրար կրելու, Ծաշու Ավետարան ընթերցելու և սրբազան խորանին սպասարկելու, «վերաբերում» կատարելու իրավունք է շնորհում վեց նորընծաներին:

Ձեռնադրության արարողությունը ավարտվում է Սրբազան հոր «Պահպանիչ»-ով:

Այնուհետև շարունակվում է սուրբ պատարագը՝

«Հայր մեր»-ից առաջ պատարագիչ հայր սուրբը խոսում է քարոզ, դարեր շարունակ օրվա խորհրդի կրոնա-բարոյական և հոգեվոր նշանակության մասին Հայ Եկեղեցու և Մայր Աթոռի կյանքում՝ վեր հանելով



քրիստոնեության հաղթանակի ու տարածման համար նահատակված առաջին մարտիրոսի՝ Ստեփանոս նախավկայի հավատքի գործությունն ու անձնվիրումը, որը մնալուն նկարագիրն է ամեն մի անբասիր ու իր եկեղեցուն նվիրված հոգևորականի:

Հավարտ սուրբ պատարագի Տ. Հուսիկ արքեպ. Սանթորյանը Վեհարանում Վեհափառ Հայրապետին է ներկայացնում Մայր

Շաշկերույթին ներկա էին Մայր Աթոռի միաբանությունը, հոգևոր ճեմարանի դասախոսական կազմը, ուսանողությունը և այլ հյուրեր:

Սեղանի շուրջ գոհունակ արտով առաջինը խոսք է առնում Վեհափառ հայրապետը: Նորին Սրբությունը, կրկին անգամ արտահայտելով իր ուրախությունը սարկավագական նոր ու քաղի հունձի համար,



Ձեռնադրությունից մի պահ

Աթոռի ավագ և նորընծա վեց սարկավագներին:

Նորին Սրբությունը սարկավագներին տալիս է հայրական իր օրհնություններն ու հորդորները, մաղթում և հույս հայտնում, որ նրանք կրկին վերանորոգված օրվա խորհրդով, պիտի շարունակեն սիրով ու նվիրումով ծառայել Հայ Եկեղեցու, Մայր Աթոռի և մեր ազգի ծառայության սրբազան գործին:

Սարկավագները իրենց տոնի առթիվ Վեհափառ Հայրապետից աջահամբույրով նըվերներ են ստանում:

Նույն օրը, ժամը 14.30-ին, Մայր Աթոռի միաբանական սեղանատանը, նախագահությամբ Վեհափառ Հայրապետի, տրվում է ճաշկերույթ՝ ի պատիվ վեց նորընծա սարկավագների:

շնորհավորում է նորընծաներին և տալիս հայրական իր օրհնություններն ու թելադրանքները:

Հոգևոր ճեմարանի տեսուչ Տ. Եզնիկ քհն. Պետրոսյանի խոսքից հետո, ի դիմաց Մայր Աթոռի միաբանության և հոգևոր ճեմարանի դասախոսական կազմի, հաջորդաբար իրենց արտի շնորհավորական խոսքն ու բարեմաղթություններն են անում Տ. Գարեգին արք. Ներսիսյանն ու Տ. Կոմիտաս արք. Հովնանյանը: Բոլորի մտածումներն էլ ներշնչված ու համեմված էին օրվա խորհրդով:

Ճաշկերույթի վերջում, որպես նորընծաների զգացումների ազնիվ թարգման, պատասխան շնորհակալական ու երախտագիտական խոսքով հանդես է գալիս Աջոտ սարկավագ Պետրոսյանը՝ խոստանալով, որ



հետայսու կանեն ամեն կարելին՝ լիիրավ կատարելու համար իրենց կոչումից բխող բոլոր պարտականությունները և կլինեն «Յայգուջ Տեառն մշակք առանց ամօթոյ»:

Սիրո ճաշկերույթն ավարտվում է Վեհափառ Հայրապետի «Պահպանիչ»-ով և խըմբովին արտասանված «Հայր մեր»-ով:

\* \* \*

**Աշոտ սարկավագ Պետրոսյան.** ծնվել է 1956 թվականի հունվարի 8-ին Երևանում: 1974 թ. ավարտել է Երևանի համար 24 երեկոյան միջնակարգ դպրոցը: Նույն թվականին ընդունվել է հոգևոր ճեմարան: 1980 թվականի դեկտեմբերի 25-ին, Ս. Ստեփանոսի տոնին, ձեռնադրվել է սարկավագ:

**Ալեքսան սարկավագ Թազայան.** ծնվել է 1958 թվականի հունվարի 5-ին, Վրացական ՍՍՀ հոգաբանավկայի շրջանի Օրոջալար գյուղում: 1974 թ. ավարտել է ծննդավայրի միջնակարգ դպրոցը: 1977 թ. ընդունվել է հոգևոր ճեմարան: 1980 թվականի դեկտեմբերի 25-ին, Ս. Ստեփանոսի տոնին, ձեռնադրվել է սարկավագ:

**Ստեփան սարկավագ Կարապետյան.** ծրնվել է 1959 թվականի մարտի 20-ին, Էջմիածին քաղաքում: 1976 թ. ավարտել է Էջմիածնի համար 2 միջնակարգ դպրոցը: 1977 թ. ընդունվել է հոգևոր ճեմարան: 1980 թվականի դեկտեմբերի 25-ին, Ս. Ստեփանոսի տոնին, ձեռնադրվել է սարկավագ:

**Սմբատ սարկավագ Արիստակեսյան.** ծնվել է 1959 թվականի սեպտեմբերի 13-ին Էջ-

միածնի շրջանի Հայթաղ գյուղում: 1976 թ. ավարտել է ծննդավայրի միջնակարգ դպրոցը: 1977 թ. ընդունվել է հոգևոր ճեմարան: 1980 թվականի դեկտեմբերի 25-ին, Ս. Ստեփանոսի տոնին, ձեռնադրվել է սարկավագ:

**Վարդան սարկավագ Բաղդասարյան.** ծնվել է 1961 թվականի մարտի 3-ին, Հրազդանի շրջանի Մեղրաձոր գյուղում: 1978 թ. ավարտել է Երևանի համար 152 միջնակարգ դպրոցը և նույն տարին ընդունվել հոգևոր ճեմարան: 1980 թվականի դեկտեմբերի 25-ին, Ս. Ստեփանոսի տոնին, ձեռնադրվել է սարկավագ:

**Մեսրոպ սարկավագ Խաչիկյան.** ծնվել է 1962 թվականի հոկտեմբերի 2-ին, Էջմիածին քաղաքում: 1977 թ. ավարտել է ծննդավայրի Երվանդ Օտյանի անվան համար 7 միջնակարգ դպրոցի ութամյա դասընթացը և նույն տարին ընդունվել հոգևոր ճեմարան: 1980 թվականի դեկտեմբերի 25-ին, Ս. Ստեփանոսի տոնին, ձեռնադրվել է սարկավագ:

«Էջմիածին» ամսագրի խմբագրությունը շնորհավորում է նորընծա սարկավագներին և բարեմաղթում, որ նրանք իրենց ուսումնառության և Մայր Աթոռի ծառայության տարիներին արդարացնեն Հայոց Հայրապետի բարձր վստահությունը՝ նվիրյալ կերպով ծառայեն Հայ Եկեղեցուն ու կատարեն իրենց պարտականությունները:

ԶՍՏԻԿ ԱԲԵՂԱ ԱՎԵՏԻՔՅԱՆ

